

დამტკიცებულია:  
საქართველოს საფონდო ბირჟის  
სამეთვალყურეო საბჭოს მიერ  
2018 წ. 4 ოქტომბერი, ოქმი N8

დ ე ბ უ ლ ე ბ ა  
„საქართველოს საფონდო ბირჟის“  
წევრების შესახებ  
(ახალი რედაქცია)

## I. ზოგადი დებულებები

- 1.1. წინამდებარე დებულება „საქართველოს საფონდო ბირჟის“ წევრების შესახებ (შემდგომში „დებულება“) შემუშავებულია ფასიანი ქაღალდების შესახებ საქართველოს კანონმდებლობის, „საქართველოს საფონდო ბირჟის“ (შემდგომში „ბირჟა“) წესდების და სხვა მარეგულირებელი წესების შესაბამისად.
- 1.2. წინამდებარე დებულება განსაზღვრავს ბირჟაზე წევრების მიღების წესს და პროცედურას, მოთხოვნებს, რომლებიც წაეყენებათ ბირჟის წევრებს, წევრების ვაჭრობაზე დაშვებისა და ვაჭრობებში მონაწილეობის უფლების შეჩერების წესს, წევრების უფლებამოსილების შეწყვეტის წესს.
- 1.3. დებულების ყველა დანართი წარმოადგენს მის განუყოფელ ნაწილს.
- 1.4. დებულებას, მასში ცვლილებებსა და დამატებებს ამტკიცებს ბირჟის სამეთვალყურეო საბჭო.

## II. წევრად მიღების პროცედურა

- 2.1. ბირჟის წევრი შეიძლება გახდეს ნებისმიერი ლიცენზირებული ფინანსური ინსტიტუტი (მათ შორის კანონით გათვალისწინებული უცხოური ფინანსური ინსტიტუტი), რომელიც აკმაყოფილებს საქართველოს კანონმდებლობის, ბირჟის წესდებისა და წინამდებარე დებულების მოთხოვნებს.
- 2.2. ბირჟის წევრობის საკითხის განხილვის საფუძველს წარმოადგენს წევრობის მსურველი კანდიდატის მიერ ბირჟის გენერალური დირექტორის სახელზე წარდგენილი განაცხადი (დანართი NI). წარმოდგენილ განაცხადს თან უნდა დაერთოს მასში ჩამოთვლილი დოკუმენტები. არარეზიდენტი წევრობის კანდიდატის მიერ დოკუმენტები შეიძლება წარმოდგენილი იქნას ქართულ ან ინგლისურ ენაზე.
- 2.3. იმ შემთხვევაში, თუ განმცხადებლის მიერ არ იქნება წარმოდგენილი ყველა საჭირო დოკუმენტი, მისი განაცხადი განხილული არ იქნება.
- 2.4. წარმოდგენილი აუცილებელი დოკუმენტების სისწორეზე პასუხს აგებს განმცხადებელი.
- 2.5. განაცხადი და თანდართული დოკუმენტები წარდგენიდან 1 სამუშაო დღის ვადაში გადაეცემა დირექტორს ვაჭრობაზე დაშვების დარგში, რომელიც გადასცემს დოკუმენტებს განსახილველად ბირჟის წევრებისა და ბროკერების სამსახურს დოკუმენტის მიღებიდან 1 სამუშაო დღის ვადაში.
- 2.6. ბირჟის წევრებისა და ბროკერების სამსახური მიღებიდან 5 სამუშაო დღის განმავლობაში განიხილავს შემოტანილ დოკუმენტებს.
- 2.7. ბირჟის წევრებისა და ბროკერების სამსახურს საჭიროების შემთხვევაში უფლება აქვს მოითხოვოს განმცხადებლისგან დამატებითი ინფორმაცია შემოტანილ დოკუმენტებთან დაკავშირებული საკითხების დასაზუსტებლად.
- 2.8. შემოტანილ დოკუმენტებთან დაკავშირებული საკითხების დაზუსტების მიზნით განმცხადებლის მიერ დამატებითი ინფორმაციის წარდგენის მომენტიდან პუნქტ 2.6-ში მითითებული ვადა თავიდან აითვლება.
- 2.9. ბირჟის წევრებისა და ბროკერების სამსახურის მიერ წარმოდგენილი დოკუმენტების განხილვის შემდგომ დირექტორი ვაჭრობაზე დაშვების დარგში აკეთებს დასკვნას. აღნიშნულ დასკვნას გენერალური დირექტორი წარუდგენს

სამეთვალყურეო საბჭოს, რომლის სხდომა ამ საკითხის განსახილველად მოწვეულ უნდა იქნეს არაუგვიანეს 1 (ერთი) თვის ვადაში.

2.10. თუ განმცხადებელი არ ეთანხმება წევრებისა და ბროკერების სამსახურის მოქმედებას, მას უფლება აქვს საპრეტენზიო განაცხადით (დანართი N5) მიმართოს ბირჟის სამეთვალყურეო საბჭოს.

2.11. სამეთვალყურეო საბჭო უახლოეს სხდომაზე განიხილავს საპრეტენზიო განაცხადს და მიღებული გადაწყვეტილების შესახებ განმცხადებელს 2.12 პუნქტის შესაბამისად ეგზავნება შეტყობინება.

2.12. წევრად მიღების შესახებ გადაწყვეტილება გამოაქვს ბირჟის სამეთვალყურეო საბჭოს და პასუხი გადაწყვეტილების მიღებიდან 1 სამუშაო დღის ვადაში გაეგზავნება განმცხადებელს.

2.13. წევრად მიღების დღედ ითვლება ბირჟის სამეთვალყურეო საბჭოს მიერ მიღებული გადაწყვეტილების დღე.

2.14. ბირჟის წევრად მიღების შემდეგ წევრს და ბირჟას შორის ფორმდება ხელშეკრულება წევრობის შესახებ, ასევე წევრი ხელს აწერს სს „საქართველოს საფონდო ბირჟის“ კონვენციას.

2.15. სამეთვალყურეო საბჭოს მიერ მიღებული გადაწყვეტილება ეცნობება ბირჟის ყველა წევრს და ამის თაობაზე გაეგზავნება შეტყობინება ფასიანი ქაღალდების ბაზრის სახელმწიფო მარეგულირებელ ორგანოს (შემდეგში – მარეგულირებელი ორგანო) და ბირჟის მომსახურე ცენტრალურ დეპოზიტარს, ასევე ბირჟა საკუთარ ვებ-გვერდზე [www.gse.ge](http://www.gse.ge) აქვეყნებს ოფიციალურ ინფორმაციას გადაწყვეტილების მიღებიდან 1 სამუშაო დღის ვადაში.

2.16. წევრად მიღების შესახებ სამეთვალყურეო საბჭოს მიერ მიღებული უარყოფითი გადაწყვეტილება არ წარმოადგენს წევრობისთვის საწყისი შენატანის დაბრუნების საფუძველს. წევრობის კანდიდატს შეუძლია გაასაჩივროს სამეთვალყურეო საბჭოს გადაწყვეტილება საქართველოს კანონმდებლობის შესაბამისად.

### **III. ბირჟის წევრთა უფლებები და მოვალეობები**

3.1. ბირჟის წევრებს გააჩნიათ შემდეგი უფლებები:

3.1.1. დადგენილი წესით მიიღონ მონაწილეობა ბირჟის მიერ ორგანიზებულ საფონდო ვაჭრობებში და ისარგებლონ ბირჟის სამსახურების მომსახურებით;

3.1.2. მიმართონ ბირჟის გენერალურ დირექტორს წევრის ან ბირჟის თანამშრომლის მიერ ბირჟის მომწესრიგებელი წესების დარღვევის შესახებ;

3.1.3. მიმართონ სამეთვალყურეო საბჭოს აპელაციით დირექტორების იმ გადაწყვეტილებების თაობაზე, რომლებიც წევრის უფლებებს ლახავს;

3.1.4. წევრებთან დაკავშირებული წესების მიღებამდე ან მათში ცვლილების შეტანამდე არანაკლებ ორი კვირით ადრე გაეცნონ მათ, განიხილონ და მიღებამდე ერთი კვირით ადრე წარმოადგინონ მმართველ ორგანოში შენიშვნები, თუ ასეთები წარმოიშვება;

3.1.5. სამართლიანი და თანასწორუფლებიანი ვაჭრობის შესაძლებლობა.

3.2. ბირჟის წევრთა ძირითადი მოვალეობებია:

3.2.1. დაიცვან ფასიანი ქაღალდების ბაზრის შესახებ კანონმდებლობის და ბირჟის წესების მოთხოვნები, აგრეთვე შეასრულონ ბირჟის მმართველი ორგანოს გადაწყვეტილებები;

- 3.2.2. დაიცვან ტექნიკური, ტექნოლოგიური და კომერციული ხასიათის ინფორმაციის კონფიდენციალობა, რომლის გამჟღავნებამაც ზიანი შეიძლება მიაყენოს ბირჟას, მის წევრებსა და მათ კლიენტებს;
- 3.2.3. დროულად გადაიხადონ ბირჟის მიერ დაწესებული საწევრო, საკომისიო შენატანები და სხვა გადასახდელი;
- 3.2.4. თავისი ქმედებებით ან/და განცხადებებით არ მიაყენონ ბირჟას ზიანი, არ შელახონ მისი ავტორიტეტი და პრესტიჟი;
- 3.2.5. შესაბამისი მოვლენის დადგომიდან ან გადაწყვეტილების მიღებიდან არაუგვიანეს 7 სამუშაო დღის ვადაში შეატყობინონ ბირჟის მმართველ ორგანოს დანართ N1-ით გათვალისწინებულ განაცხადზე თანდართულ დოკუმენტებში მომხდარი ან მოსალოდნელი ნებისმიერი ცვლილებების შესახებ, აგრეთვე მათ ფინანსურ და იურიდიულ სტატუსში მომხდარი ან მოსალოდნელი ისეთი ცვლილებების შესახებ, რომლებმაც შეიძლება უარყოფითი გავლენა მოახდინონ მათი ვალდებულებების შესრულებაზე ბირჟისა და მისი წევრების მიმართ;
- 3.2.6. ჰქონდეთ კანონით გათვალისწინებული სათანადო ლიცენზია;
- 3.2.7. მისცენ ბირჟას წერილობითი თანხმობა თავისი ჩანაწერების და დავთრების შემოწმებაზე, ნებისმიერი მიწოდებული ინფორმაციის სიზუსტის დადგენის მიზნით;
- 3.2.8. დააკმაყოფილონ მარეგულირებელი ორგანოს წესების მიხედვით დაწესებული მოთხოვნები, მათ შორის მისი კაპიტალის ოდენობის შესახებ (მოთხოვნა კაპიტალის ოდენობის შესახებ ეხება მხოლოდ საბროკერო კომპანიებს);
- 3.2.9. იყვნენ ბირჟის მომსახურე ცენტრალური დეპოზიტარის წევრები.

#### IV. ანგარიშგებების წარდგენა

- 4.1. ბირჟას წევრის მიერ წარედგინება ანგარიშგებები მარეგულირებელი ორგანოს მიერ დადგენილი ფორმით და ვადებში.
- 4.2. ბირჟის წევრებისა და ბროკერების სამსახურს უფლება აქვს მოითხოვოს ბირჟის წევრისგან 4.1 პუნქტით განსაზღვრული საკითხების დასაზუსტებლად დამატებითი ინფორმაცია.
- 4.3. ბირჟის წევრი ვალდებულია დამატებითი ინფორმაციის მოთხოვნის შემთხვევაში, მოთხოვნის მიღებიდან 10 სამუშაო დღის ვადაში წარუდგინოს ბირჟას ინფორმაცია. იმ შემთხვევაში, თუ აღნიშნული დრო არ არის საკმარისი ინფორმაციის გასაცემად, წევრი ვალდებულია წარუდგინოს ბირჟას ახსნა-განმარტება დაგვიანების მიზეზის ახსნით, რის შემდეგ შეიძლება ვადა გაუგრძელდეს 5 სამუშაო დღით.

#### V. წევრის სავაჭრო სისტემაში დაშვება და ვაჭრობებში მონაწილეობის უფლების შეჩერება

- 5.1. ბირჟის წევრები სავაჭრო სისტემაში დაიშვებიან ბირჟის მიერ დაწესებული ყველა შენატანისა და გადასახდელის გადახდის შემდეგ.

5.2. ბროკერებზე საკვალიფიკაციო ატესტატების (სერტიფიკატების) გაცემის პროცედურას (ატესტირება) არაგულირებს ინსტრუქცია სს „საქართველოს საფონდო ბირჟაზე“ ბროკერის საკვალიფიკაციო ატესტატის გაცემის შესახებ.

5.3. ბროკერებისათვის სავალდებულოა ორ წელიწადში ერთხელ მაინც ატესტირების გავლა; სავალდებულო ატესტირების გარდა, ბირჟას შეუძლია მოსთხოვოს ბროკერს განმეორებითი ატესტირების გავლა (ელექტრონული ტესტირების მეშვეობით):

5.3.1. კლიენტის საფუძვლიანი პრეტენზიის შემთხვევაში ბროკერის მიმართ;

5.3.2. ფასიანი ქაღალდების მარეგულირებელი კანონმდებლობის, ნორმატიული ბაზისა და ბირჟის წესების არსებითი ცვლილების შემთხვევაში;

5.3.3. სავაჭრო სისტემაში ცვლილებების შემთხვევაში.

5.4. ბირჟის გენერალურ დირექტორს უფლება აქვს დროებით შეუჩეროს ბირჟის წევრს ვაჭრობაში მონაწილეობის უფლება შემდეგ შემთხვევაში:

5.4.1. ბირჟის წევრის მიერ სავაჭრო სისტემაში დადებული გარიგებების მიხედვით ნაკისრი ვალდებულებების შეუსრულებლობა;

5.4.2. საწევრო შენატანებისა და გადასახდელების გადახდის დაგვიანება;

5.4.3. 4.1 და 4.3 პუნქტებში აღნიშნული ინფორმაციის ბირჟის წევრებისა და ბროკერების სამსახურისთვის არასრული ან არასწორი სახით მიწოდება, ან არ წარდგენა;

5.4.4. 3.2 პუნქტით განსაზღვრული ვალდებულებების შეუსრულებლობა;

5.4.5. წევრის მიმართ გაკოტრების საქმის წარმოების გახსნა;

5.4.6. მარეგულირებელი ორგანოს მიერ წევრისთვის ფასიანი ქაღალდების ბაზარზე მონაწილეობის შეჩერება;

5.4.6. ბირჟის ეთიკის კომისიის მიერ მიღებული გადაწყვეტილების საფუძველზე, დისციპლინურ დარღვევათა საპროცესო კოდექსის შესაბამისად.

5.5. ბირჟის წევრს მისთვის ვაჭრობაში მონაწილეობის უფლების დროებით შეჩერება არ ათავისუფლებს 7.1 და 7.2 პუნქტებით გათვალისწინებული შენატანებისა და გადასახდელების გადახდისაგან.

5.6. წევრისათვის ვაჭრობაში მონაწილეობის დროებით შეჩერების შემთხვევაში ბირჟა იმავე დღეს ატყობინებს ამის შესახებ ბირჟის წევრებს და წერილობით უგზავნის შეტყობინებას მარეგულირებელ ორგანოს და ბირჟის მომსახურე ცენტრალურ დეპოზიტარს, ასევე საკუთარ ვებ-გვერდზე [www.gse.ge](http://www.gse.ge) აქვეყნებს ოფიციალურ ინფორმაციას გადაწყვეტილების მიღებიდან 1 სამუშაო დღის ვადაში.

5.7. 5.4. პუნქტში აღნიშნული დარღვევების აღმოფხვრის შემთხვევაში წევრი კვლავ დაიშვება სავაჭრო სისტემაში ბირჟის გენერალური დირექტორის მიერ.

5.8. ბირჟის წევრისათვის ვაჭრობაში მონაწილეობის უფლების აღდგენის შემთხვევაში ბირჟა იმავე დღეს ატყობინებს ამის შესახებ ბირჟის წევრებს და წერილობით უგზავნის შეტყობინებას მარეგულირებელ ორგანოს და ბირჟის მომსახურე ცენტრალურ დეპოზიტარს, ასევე საკუთარ ვებ-გვერდზე [www.gse.ge](http://www.gse.ge) აქვეყნებს ოფიციალურ ინფორმაციას გადაწყვეტილების მიღებიდან 1 სამუშაო დღის ვადაში.

## VI. წევრობის შეწყვეტა

- 6.1. წევრობის შეწყვეტის საფუძველი შეიძლება იყოს:
  - 6.1.1. ბირჟის წევრის განცხადება წევრობიდან გასვლის შესახებ;
  - 6.1.2. წევრის მხრიდან წევრობის ხელშეკრულების ცალმხრივი შეწყვეტა;
  - 6.1.3. წევრის, როგორც იურიდიული პირის ლიკვიდაცია;
  - 6.1.4. წევრისათვის ლიცენზიის გაუქმება;
  - 6.1.5. ბირჟისათვის ყალბი ინფორმაციის წარდგენა;
  - 6.1.6. უარის თქმა ბირჟისათვის დადგენილი წესით მისი ჩანაწერებისა და ბუღალტრული დავთრების შემოწმებაზე;
  - 6.1.7. წევრის მიერ დარღვევის დაწესებულ ვადაში აღმოუფხვრელობა.
  - 6.1.8. ბირჟის ეთიკის კომისიის მიერ მიღებული გადაწყვეტილება, დისციპლინურ დარღვევათა საპროცესო კოდექსის შესაბამისად.
- 6.2. 6.1.1 პუნქტით გათვალისწინებულ შემთხვევაში, ბირჟის წევრი წარადგენს განცხადებას ბირჟის გენერალური დირექტორის სახელზე.
- 6.3. 6.1.2-6.1.4 პუნქტებით გათვალისწინებულ შემთხვევებში, წევრი ვალდებულია აცნობოს ბირჟის წევრებისა და ბროკერების სამსახურს დაუყოვნებლივ მომხდარი ფაქტის შესახებ.
- 6.4. ბირჟის წევრებისა და ბროკერების სამსახურის მიერ მიწოდებული სათანადო ინფორმაციის წარდგენის შემდეგ, დირექტორი ვაჭრობაზე დაშვების დარგში აკეთებს დასკვნას, რომელსაც გენერალური დირექტორი წარუდგენს ბირჟის სამეთვალყურეო საბჭოს უახლოეს სხდომაზე დასამტკიცებლად.
- 6.5. ბირჟის წევრობის შეწყვეტის შესახებ გადაწყვეტილებას იღებს ბირჟის სამეთვალყურეო საბჭო.
- 6.6. წევრობის შეწყვეტის შემთხვევაში ბირჟა იმავე დღეს ატყობინებს ამის შესახებ ბირჟის წევრებს და წერილობით უგზავნის შეტყობინებას მარეგულირებელ ორგანოს და ბირჟის მომსახურე ცენტრალურ დეპოზიტარს.
- 6.7. წევრობის შეწყვეტის შემთხვევაში ბირჟა გადაწყვეტილების მიღებიდან 1 სამუშაო დღის ვადაში აქვეყნებს ოფიციალურ ინფორმაციას.
- 6.8. წევრობის შეწყვეტის დღედ ითვლება ბირჟის სამეთვალყურეო საბჭოს მიერ მიღებული გადაწყვეტილების დღე.
- 6.9. ბირჟის საბჭოს მიერ წევრობის შეწყვეტის შესახებ გადაწყვეტილების მიღების შემდეგ ბირჟის წევრს ეკრძალება სავაჭრო სისტემაში დაშვება.
- 6.10. ბირჟის წევრს შეუძლია მიმართოს სასამართლოს მისი წევრობის შეჩერებასა და გაუქმებასთან დაკავშირებით მიღებული გადაწყვეტილების გასასაჩივრებლად.

## VII. ბირჟაზე საწევრო შენატანებისა და სხვა გადასახდელების გადახდის წესი

- 7.1. ბირჟაზე წევრთათვის დადგენილია საწევრო შენატანები და სხვა გადასახდელები, რომლებიც გამოიყენება ბირჟის სავაჭრო სისტემის მომსახურების ხარჯების დასაფარავად, აგრეთვე ბირჟის შემდგომი განვითარებისათვის (დანართი N3).
- 7.2. საწევრო გადასახდელებისა და შენატანების ოდენობა დგინდება ბირჟის სამეთვალყურეო საბჭოს მიერ.

„საქართველოს საფონდო ბირჟის“  
გენერალურ დირექტორს

\_\_\_\_\_

(ორგანიზაციის სახელწოდება)

\_\_\_\_\_

(თანამდებობის პირის სახელი და გვარი)

**გ ა ნ ა ც ხ ა დ ი**

გთხოვთ, განიხილოთ ჩვენი განაცხადი და გვიშუამდგომლოთ სამეთვალყურეო საბჭოს წინაშე „საქართველოს საფონდო ბირჟის“ წევრად მისაღებად.

განაცხადს თან ერთვის შემდეგი დოკუმენტები:

1. წესდების (პარტნიორთა შეთანხმების) ასლი წარმოდგენის მომენტისათვის ყველა ცვლილების გათვალისწინებით;
2. ამონაწერი სამეწარმეო რეესტრიდან წარმოდგენის მომენტისათვის ყველა ცვლილების გათვალისწინებით;
3. კანონით გათვალისწინებული სათანადო ლიცენზიის ასლი;
4. იმ ბროკერთა ჩამონათვალი, რომლებზეც ბირჟის საკვალიფიკაციო კომისიის მიერ გაიცა სათანადო სერტიფიკატები (დანართი N2);
5. დამოუკიდებელი აუდიტორის მიერ ბოლო წლის დამოწმებული დადგენილი ფორმის ფინანსური ანგარიშგება;
6. ინფორმაცია ყოველი იმ პირის შესახებ, რომლის რეგისტრირებულ საკუთრებაში არსებული წილის ოდენობა წევრობის კანდიდატის კაპიტალში შეადგენს 10%-ს ან მეტს;
7. საგადახდო დავალების ასლი ბირჟის წევრობისათვის საწყისი შენატანის გადახდაზე.

ხელმოწერა: \_\_\_\_\_

თარიღი: \_\_\_\_\_

ბ.ა.

„საქართველოს საფონდო ბირჟის“  
გენერალურ დირექტორს

წარმოგიდგენთ იმ პირთა სიას, რომლებზეც ბირჟის საკვალიფიკაციო  
კომისიის მიერ გაიცა სათანადო სერტიფიკატები:

1. \_\_\_\_\_ საკონტაქტო ტელეფონები: \_\_\_\_\_  
(სახელი, გვარი)
2. \_\_\_\_\_ საკონტაქტო ტელეფონები: \_\_\_\_\_  
(სახელი, გვარი)
3. \_\_\_\_\_ საკონტაქტო ტელეფონები: \_\_\_\_\_  
(სახელი, გვარი)
4. \_\_\_\_\_ საკონტაქტო ტელეფონები: \_\_\_\_\_  
(სახელი, გვარი)

ყველა ცვლილების შესახებ, რომელიც შეეხება უფლებამოსილ პირებს,  
ვალდებული ვართ დროულად ვაცნობოთ ბირჟას.

\_\_\_\_\_  
(წევრის ხელმძღვანელი)

ხელმოწერა: \_\_\_\_\_

ბ.ა.



„საქართველოს საფონდო ბირჟის“ წევრთათვის დადგენილი საწევრო შენატანები და სხვა გადასახდელები <sup>1</sup>

(გაანგარიშება ჩატარებულია დღგ-ს გარეშე)

დასახელება	A	B	გადახდის პერიოდულობა
<b>შენატანები:</b>			
<i>საწყისი შენატანი ბირჟის წევრობისათვის</i>			
- რეზიდენტი კომპანიებისათვის (ლარი)	5000	5000	ერთჯერადი
- არარეზიდენტი კომპანიებისათვის (ლარი)	14500	14500	ერთჯერადი
		0	
<i>საწევრო შენატანი ბირჟის წევრობისათვის (ლარი)</i>	40	40	ყოველთვიურად, წინა თვის 25 რიცხვამდე
<b>საბაზისო გადასახდელები:</b>			
<i>საოპერაციო დარბაზში ერთი ტერმინალით სარგებლობისათვის (ლარი)</i>	60		ყოველთვიურად, წინა თვის 25 რიცხვამდე
<i>სავაჭრო სისტემასთან მოშორებული წვდომისათვის ერთი ტერმინალით სარგებლობისათვის (ლარი)</i>		100	ყოველთვიურად, წინა თვის 25 რიცხვამდე
<b>საკომისიო გადასახდელები <sup>2</sup></b>			
<i>გადასახდელები სავაჭრო სესიებზე დადებულ გარიგებებზე<sup>2</sup>:</i>			
სამთავრობო და მუნიციპალური ფასიანი ქაღალდების შემთხვევაში (ლარი)	25	25	ყოველ ვაჭრობაზე დადებული გარიგების შემდეგ, არაუგვიანეს გარიგების დადების მომდევნო თვის 10 რიცხვამდე
საერთაშორისო ფინანსური ინსტიტუტების შემთხვევაში (ლარი)	25	25	
სასესხო ფასიანი ქაღალდების შემთხვევაში (%-ში)	0.01	0.01	
სხვა ფასიანი ქაღალდების შემთხვევაში (%-ში)	0.05	0.05	
ფასიანი ქაღალდების პირველადი განთავსების შემთხვევაში (%-ში)	0.01	0.01	
<i>გადასახდელები სავაჭრო სისტემაში დაფიქსირებულ გარიგებებზე:</i>			
<i>ნაწილობრივ ან სრულად უზრუნველყოფილი ფასიანი ქაღალდების შემთხვევაში<sup>3</sup>:</i>			
სამთავრობო და მუნიციპალური ფასიანი ქაღალდების შემთხვევაში (ლარი)	25	25	
საერთაშორისო ფინანსური ინსტიტუტების შემთხვევაში (ლარი)	25	25	
სასესხო ფასიანი ქაღალდების შემთხვევაში (%-ში)	0.015	0.015	
სხვა ფასიანი ქაღალდების შემთხვევაში (%-ში)	0.06	0.06	
ფასიანი ქაღალდების პირველადი განთავსების შემთხვევაში (%-ში)	0.015	0.015	

A \_ წევრი საოპერაციო დარბაზში;

B \_ წევრი საოპერაციო დარბაზის გარეთ;

1 – გადახდა მოხდება წევრსა და ბირჟას შორის შესაბამისი ხელშეკრულების გაფორმების შემდეგ;

2 – საკომისიო გადასახდელი გაიანგარიშება გარიგების ღირებულებიდან იმ ვალუტაში, რომელშიც ფასიანი ქაღალდები დაშვებულია ბირჟაზე სავაჭროდ;

სპეციალიზებული საბირჟო აუქციონების შემთხვევაში გაიანგარიშება დანართი №5-ის მიხედვით;

3 – თითოეული მხარისათვის; ამასთან, მინიმალური გადასახდელი ერთ გარიგებაზე შეადგენს არანაკლებ 50 თეთრს.

საკომისიო გადასახდელი სპეციალიზებული  
საბირჟო აუქციონების შემთხვევაში

1. სპეციალიზებული საბირჟო აუქციონების სესიებზე დადებული გარიგებების საკომისიო გადასახდელს იხდის მყიდველი საბროკერო კომპანია. საკომისიო გადასახდელი განისაზღვრება შემდეგი ფორმულით:

როდესაც	$P \leq \frac{P_0}{1-k}$	$R_s = \frac{2 \cdot C_s \cdot v}{100} \cdot \left( P - \frac{P - P_0}{k} \right)$
როდესაც	$P > \frac{P_0}{1-k}$	0

$C_s$  – ბირჟის საკომისიო საპროცენტო განაკვეთი;

$k = \frac{2 \cdot (C_s + C_D)}{100}$  – კოეფიციენტი;

$C_D$  – დეპოზიტარის საკომისიო საპროცენტო განაკვეთი;

$P_0$  – ერთი აქციის საწყისი ფასი (მინიმალური გასაყიდი ფასი) (ლარი);

$P$  – გარიგების დროს დაფიქსირებული ერთი აქციის ფასი (ლარი);

$v$  – გარიგების მოცულობა (აქციების რაოდენობა);

$R_s$  – მყიდველი საბროკერო კომპანიის გადასახდელი ბირჟისათვის (ლარი).

საპრეტენზიო განაცხადი

მიმღები:	სს „საქართველოს საფონდო ბირჟის“ სამეთვალყურეო საბჭო
განაცხადის წარმდგენი:	ქვემოთაა კაბიდაძის შოკოლადის და საიდენტიფიკაციო ნომერი
იურიდიული მისამართი	
ფაქტობრივი მისამართი	
ტელეფონ(ებ)ი	
ვებ-გვერდი და ელ. ფოსტა	
წარმომადგენლობაზე უფლებამოსილი პირი  თანამდებობა ტელეფონი	სახელი, გვარი, პირადი ნომერი
რწმუნებული (თუ განაცხადის წარმდგენია მინდობილი პირი)	
რწმუნებულის სრული საიდენტიფიკაციო ინფორმაცია	
პრეტენზიის საფუძველი	
გთხოვთ ჩამოაყალიბოთ თქვენი	
პრეტენზია:	
მოთხოვნა:	

არგუმენტაცია:	
წარმოდგენილი დოკუმენტაცია:	
განმცხადებლის ხელმოწერა	_____
პრეტენზიის წარდგენის თარიღი	_____